

台南的點心攤

台南市立安順國中 劉和純

甲:講著台南，你會想著啥?

乙:想著「呷」啊! 阿講著「呷」春頭扣破額!

丙:這啥物意思?

乙:就是講台南人真顧「呷」啊!

甲:台南人真顧「呷」，按呢敢好?

乙:無法度，因為台南誠濟好呷的物件呀!會呷袂赴，所以一定愛真顧呷!

丁:誠濟好呷的物件?講來聽看 mai

乙:台南有名的點心攤有:渡小月擔仔麵、棺材板、蚵仔煎、安平豆花、國華街芋粿、福記肉圓、阿松割包、富勝號碗粿、金德潤餅、牛肉湯、虱目魚粥、阿憨鹹粥、水仙宮燒肉飯、土托魚羹、肉燥飯、小卷米粉、鱔魚意麵、周氏蝦捲.....，十隻手指頭算不了，愛甲腳趾頭來算!

甲:真正足濟，呷攏袂了!

乙:不是按呢而已!

丙:猶擱有?

乙:頭前講的大部分是古早味!猶擱有即馬很流行的夜市文化，台南人足愛逛夜市仔，外地人來台南嘛一定會去逛夜市仔!

丁:我嘛真愛逛夜市仔!你攏逛啥物夜市仔?

乙:我上愛去逛花園夜市，花園夜市真有名，佇全省嘛排有著等!所以人足多，逛花園夜市上特別的所在就是毋免家已走路。

丁:逛花園夜市毋免家已走路?是按哪講?

乙:後壁的人就會揀你行啦!

丁:遮爾好!花園夜市有啥物好呷的?

乙:有鴨肉麵、蚵仔煎、臭豆腐、割包、三角飯丸。

丙:夜市是呷暗頓，啊若日時是欲去佗食?

乙:台南市區足濟所在，親像國華街、大菜市、友愛街、水仙宮、民族路、海安路、府前路、安平老街、保安市場逐位都會當呷!就連咱安南區的果菜市場都有足濟好呷ㄟ物件!

丙:你講安南區的果菜市場嗎?我知影果菜市場有賣果子、賣菜、賣魚賣肉，阮兜都在遐買菜，遐有啥物好呷的?無你嘛介紹一下!

乙:有幾若攤有名的點心攤，親像有牛肉湯、萬長滷味、豬血湯，遮都要排隊的，而且較慢去就買沒啊!

丙:敢按呢?多謝你共我講，我後擺知影愛去佗買了!是講你介紹遮麼多好料ㄟ!你上愛呷佗一味?

乙:講實在ㄟ，我上愛呷牛肉湯!

甲:是按怎你愛呷牛肉湯?

乙:因為牛肉湯湯頭真正是足有滋味啊!呷一擺就著了!

甲:我嘛真愛呷牛肉湯，到底牛肉湯迷人的所在是佇佢位?

乙:我共你講，牛肉湯的湯頭是用牛大骨、大頭蔥、幾若項菜去焅出來的，牛肉是現剖的牛肉切得薄薄的!用燒湯淋落去，一會兒就熟了!湯頭足清甜ㄟ!予你一喙接一喙呷甲停不落來，摺配一碗滷肉飯，會使講呷飽摺講巧!

甲:聽你講甲喙涎強會流落來!

乙: 腹肚枵阿啦!顧腹肚卡贏顧佛祖，行，咱就來去呷牛肉湯。

甲:不是愛排隊?

乙:對阿!先去先排，毋通跟不著陣!

甲:按呢緊來去!